



Na osnovu člana 2.9 stav (1) tačka 2. Izbornog zakona Bosne i Hercegovine („Službeni glasnik BiH“ br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisija Bosne i Hercegovine je na 72. sjednici, održanoj 03.11.2020. godine, donijela

ODLUKU

o dopunama Instrukcije o postupanju organa za provođenje izbora na izborni dan u uslovima epidemije Covid-19

Član 1.

U članu 5. Instrukcije o postupanju organa za provođenje izbora na izborni dan u uslovima epidemije Covid-19 („Službeni glasnik BiH“, broj 41/20) dodaje se novi stav (5) koji glasi:

„(5) U osnovnim izbornim jedinicama gdje je više biračkih mjesta smješteno u jednom objektu, kao što je škola, fakultet, obdanište, sportska hala, dom kulture, vatrogasni dom, i slično, beskontaktno mjerenje tjelesne temperature birača vrši se na jednom mjestu na glavnom ulazu u taj objekat. Biraču kojem se ustanovi temperatura veća od 37,2 °C omogućit će se glasanje na način propisan u stavu (4) ovog člana.“

Član 2.

Iza člana 10. instrukcije dodaje se novi član 10.A koji glasi:


„Član 10. A (Obavještanje birača)

Postupajući po obavezi iz člana 2.13 stav (1) tačka 5. Izbornog zakona BiH, izborna komisija osnovne izborne jedinice je dužna najkasnije 72 sata prije dana izbora, pored informacija o lokaciji biračkog mjesta, datumu i vremenu glasanja, upozoriti birača i o obavezi pridržavanja svih propisanih mjera za zaštitu zdravlja i života, a posebno o obavezi ispravnog nošenja zaštitnih maski, održavanja propisane socijalne distance i drugih propisanih mjera.“

Član 3.

Ova odluka stupa na snagu narednog dana od dana donošenja, a objavit će se u „Službenom glasniku BiH“, „Službenim novinama F BiH“, „Službenom glasniku RS“, „Službenom glasniku Brčko distrikta BiH“ i na internet-stranici Centralne izborne komisije BiH www.izbori.ba.

Broj: 05-1-02-2-573-14/20
Sarajevo, 03.11.2020. godine



Predsjednik

Zeljko Bakalar